



ახალციხის მუნიციპალიტეტის საკრებულოს
განკარგულება



განკარგულება:გ-13.13221951

თარიღი:14/07/2022

არასამეწარმეო (არაკომერციული) იურიდიული პირის „ახალციხის მუნიციპალური ტრანსპორტი“ დაფუძნებისა და წესდების დამტკიცების თაობაზე თანხმობის მიცემის შესახებ

„ადგილობრივი თვითმმართველობის კოდექსი“ საქართველოს ორგანული კანონის 54-ე მუხლის პირველი პუნქტის „დ.ბ.“ ქვეპუნქტის შესაბამისად,

1. ახალციხის მუნიციპალიტეტის მერიას მიეცეს თანხმობა მოახდინოს არასამეწარმეო (არაკომერციული) იურიდიული პირის „ახალციხის მუნიციპალური ტრანსპორტი“ დაფუძნება და მისი წესდების დამტკიცება დანართის შესაბამისად.
2. მონაცემების რეგისტრაციის უფლებამოსილება მიენიჭოს ახალციხის მუნიციპალიტეტის მერს.
3. განკარგულება ძალაშია ხელმოწერისთანავე.
4. განკარგულება შეიძლება გასაჩივრდეს დაინტერესებული პირის მიერ, ახალციხის რაიონულ სასამართლოში (მის: ქ. ახალციხე, მებალიშვილის ქ. N60^ა), მისი გამოქვეყნების ან ოფიციალური წესით გაცნობის დღიდან 1 (ერთი) თვის ვადაში.

დავით ლომიძე

ახალციხის მუნიციპალიტეტის საკრებულო-
საკრებულოს თავმჯდომარე

გამოყენებულია კვალიფიციური
ელექტრონული ხელმოწერა/
ელექტრონული შტამპი



დანართი

არასამეწარმეო (არაკომერციული) იურიდიული პირი
„ახალციხის მუნიციპალური ტრანსპორტი“

წესდება

ქალაქი ახალციხე

2022 წელი

მუხლი 1. ზოგადი დებულებანი

1. არასამეწარმეო (არაკომერციული) იურიდიული პირი - ა(ა)იპ „ახალციხის მუნიციპალური ტრანსპორტი“ (შემდგომში - იურიდიული პირი) არის იურიდიული პირი, რომელიც შექმნილია „ადგილობრივი თვითმმართველობის კოდექსი“ საქართველოს ორგანული კანონის საფუძველზე, საქართველოში მოქმედი კანონმდებლობათა დაცვით.
2. იურიდიული პირის სახელწოდება: „ახალციხის მუნიციპალური ტრანსპორტი“.
4. სამართლებრივი ფორმა: არასამეწარმეო (არაკომერციული) იურიდიული პირი.
5. იურიდიული მისამართი: საქართველო, ქ.ალაქი ახალციხე, შალვა ახალციხელის ქ. N2.
6. იურიდიული პირს აქვს დამოუკიდებელი ბალანსი, საანგარიშსწორებო და სხვა ანგარიშები საბანკო დაწესებულებებში, არაკომერციული იურიდიული პირის სხვა რეკვიზიტები.
7. ორგანიზაცია საკუთარი სახელით ახორციელებს თავის უფლებებსა და მოვალეობებს, როგორც საქართველოს, ისე უცხო ქვეყნის ფიზიკურ და იურიდიულ პირებთან, დებს გარიგებებს, შეთანხმებებს, საკუთარი სახელით შეუძლია გამოვიდეს მოსარჩელედ და მოპასუხედ სასამართლოში.

მუხლი 2. იურიდიული პირის დამფუძნებელი

1. იურიდიული პირის დამფუძნებელია ახალციხის მუნიციპალიტეტი ს/კ 224101317.
2. დამფუძნებელი განსაზღვრავს იურიდიული პირის წესდებას, მიზნებსა და ამოცანებს.
3. იურიდიული პირის დამფუძნებლის სახელით მოქმედებს ახალციხის მუნიციპალიტეტის მერი.

მუხლი 3. იურიდიული პირის მიზნები და ამოცანები

1. ა(ა)იპ „ახალციხის მუნიციპალური ტრანსპორტის“ მიზნები და ამოცანებია:

ა) დადგენილი ტარიფების შესაბამისად მუნიციპალიტეტის ტრანსპორტით მგზავრთა უსაფრთხოდ გადაყვანის მომსახურება;

ბ) მუნიციპალური და საქალაქთაშორისო სამგზავრო ტრანსპორტის ერთიან სამარშუტო ქსელში მოძრაობის ოპერატიული მართვა;

გ) სატრანსპორტო საშუალებების გაჩერების ადგილას ელექტრონული საინფორმაციო დაფების განლაგება და მათი მართვა;

გ) საკუთრებაში/სარგებლობაში არსებული სატრანსპორტო საშუალების გამართული ფუნქციონირება, მოვლა-პატრონობა;

2 ა(ა)იპ „ახალციხის მუნიციპალური ტრანსპორტის“ ინტერესებიდან გამომდინარე, ძირითადი საქმიანობის პარალელურად უფლება აქვს კანონით განსაზღვრული წესით განახორციელოს ნებისმიერი საქმიანობა, რომელიც არ ეწინააღმდეგება წინამდებარე წესდებას და საქართველოს კანონით გათვალისწინებულ ნორმებს;

მუხლი 4. იურიდიული პირის მართვა

1. იურიდიული პირის ხელმძღვანელობა და წარმომადგენლობა ენიჭება დირექტორს, რომელსაც ნიშნავს და ანთავისუფლებს ახალციხის მუნიციპალიტეტის მერი.

2. დირექტორი ანგარიშვალდებულია ახალციხის მუნიციპალიტეტის მერის წინაშე და პერიოდულად (მოთხოვნისთანავე) წარუდგენს მას ანგარიშს, იურიდიული პირის საქმიანობის შესახებ.

3. დირექტორი:

ა) წარმოადგენს იურიდიულ პირს მესამე პირებთან ურთიერთობაში. ორგანიზაციებსა და ყველა ინსტანციის სასამართლოში,

ბ) ადგენს საშტატო ნუსხას, სტრუქტურას, სახელფასო ფონდს და შესათანხმებლად წარუდგენს ახალციხის მუნიციპალიტეტის მერს,

გ) თანამდებობაზე ნიშნავს და ათავისუფლებს იურიდიული პირის თანამშრომლებს, იღებს გადაწყვეტილებას მათი წახალისებისა და დისციპლინარული პასუხისმგებლობის დაკისრების შესახებ,

დ) საკუთარი კომპეტენციის ფარგლებში, გამოსცემს ინდივიდუალურ-სამართლებრივ აქტს;

ე) ორგანიზაციის სახელით, ახორციელებს საბანკო ურთიერთობებს, ხელს აწერს საფინანსო დოკუმენტებს და სხვა სახის სამართლებრივ აქტებს,

ვ) წარმართავს და ორგანიზებას უწევს დაწესებულების საერთო საქმიანობას, პასუხისმგებელია ამ საქმიანობის კანონიერებასა და ეფექტურობაზე,

ზ) დამფუძნებელთან შეთანხმებით, კანონით დადგენილი წესითა და კომპეტენციის ფარგლებში, განახორციელებს შესყიდვას, გეგმის საფუძველზე,

თ) მოვალეობის შეუსრულებლობის ან არაკეთილსინდისიერად შესრულების შემთხვევაში, არასამეწარმეო (არაკომერციული) იურიდიული პირის და დამფუძნებლის წინაშე პასუხისმგებელია წარმოშობილი ზიანისათვის,

ი) წესდებით განსაზღვრული მიზნებისა და ამოცანების მისაღწევად უფლებამოსილია განახორციელოს კანონით გათვალისწინებული სხვა მოქმედებები,

კ) მერთან შეთანხმებით ახდენს, მუნიციპალიტეტის ტრანსპორტით, მგზავრთა გადაყვანის მომსახურების ტარიფის დამტკიცებას,

ლ) მერთან შეთანხმებით ახდენს მუნიციპალური და საქალაქთაშორისო სამგზავრო ტრანსპორტის ერთიანი სამარშუტო ქსელის დადგენას და დამტკიცებას.

4. ახალციხის მუნიციპალიტეტის მერი, დირექტორის არყოფნის შემთხვევაში, დირექტორის მოვალეობას აკისრებს იურიდიული პირის თანამშრომელს.

მუხლი 5. დაფინანსება

1. იურიდიული პირის დაფინანსების წყარო შეიძლება იყოს:

ა) ადგილობრივი ბიუჯეტი;

ბ) ა(ა)იპ-ის მიერ გაწეული მომსახურებიდან მიღებული შემოსავალი;

გ) გრანტები;

დ) შემოწირულობები ფიზიკური და იურიდიული პირებისგან;

ე) საქართველოს კანონმდებლობით ნებადართული სხვა შემოსავლები.

2. ამ მუხლით გათვალისწინებული სახსრები, კანონმდებლობის შესაბამისად, შესაძლებელია მოხმარდეს იურიდიული პირის მიზნებსა და ამოცანების განხორციელებას.

მუხლი 6. იურიდიული პირის საკუთრება და ქონება

1. არასამეწარმეო (არაკომერციული) იურიდიული პირის ქონებას შეადგენს წესდებით გათვალისწინებული მიწნებისა და ამოცანების განსახორციელებლად საჭირო ფულადი სახსრები და მატერიალური რესურსები.
2. არასამეწარმეო (არაკომერციული) იურიდიული პირის სარგებლობაში არსებული უძრავ-მოდრავი ქონება და მასთან დაკავშირებული საკითხები რეგულირდება საქართველოს კანონმდებლობით დადგენილი წესის შესაბამისად.

მუხლი 7. საქმიანობა, რომელიც საჭიროებს თანხმობას

1. იურიდიულ პირს შეუძლია მხოლოდ დამფუძნებლის თანხმობით განხორციელების შემდეგი ქმედებები:
 - ა) უძრავი ქონების შეძენა, გასხვისება და დატვირთვა;
 - ბ) სესხის აღება;
 - გ) თავდებობა;
 - დ) სხვა გადაწყვეტილებები, რომელიც სცილდება არასამეწარმეო (არაკომერციული) იურიდიული პირის საქმიანობის ფარგლებს.

მუხლი 8. კონტროლი

1. იურიდიული პირის საფინანსო-ეკონომიკურ საქმიანობას აკონტროლებს არასამეწარმეო (არაკომერციული) იურიდიული პირის დამფუძნებელი მისდამი დაქვემდებარებული სამსახურის მეშვეობით.
2. დამფუძნებელს უფლება აქვს მოითხოვოს კონტროლის განსახორციელებლად საჭირო მასალები და ინფორმაციის წარდგენა.

მუხლი 9. წესდებაში ცვლილებებისა და დამატებების შეტანის წესი

წესდებაში ცვლილებებისა და დამატებების შეტანა ხორციელდება საქართველოს კანონმდებლობით დადგენილი წესით.

მუხლი 10. ლიკვიდაცია და რეორგანიზაცია

1. არასამეწარმეო (არაკომერციული) იურიდიული პირის რეორგანიზაცია ხორციელდება საქართველოს კანონმდებლობით დადგენილი წესით, დამფუძნებლის გადაწყვეტილებით.
2. არასამეწარმეო (არაკომერციული) იურიდიული პირის ლიკვიდაცია ხორციელდება მიზნის მიღწევის შედეგად, სისხლის სამართლის საქმეზე კანონიერ ძალაში შესული სასამართლოს გამამტყუნებელი განაჩენის საფუძველზე, გაკოტრებისას ან საქართველოს სამოქალაქო კოდექსის 38-ე მუხლის შესაბამისად.
3. ლიკვიდაციის დროს უნდა დასრულდეს მიმდინარე საქმეები, დადგინდეს მოთხოვნები, დარჩენილი ქონება გამოიხატოს ფულად ერთეულში, დაკმაყოფილდნენ კრედიტორები და დარჩენილი ქონება გაუნაწილდეს უფლებამოსილ პირებს.
4. დამფუძნებლის გადაწყვეტილება საზოგადოების ლიკვიდაციის პროცესის დაწყების შესახებ უნდა დარეგისტრირდეს მეწარმეთა და არასამეწარმეო (არაკომერციული) იურიდიული პირების რეესტრში. ლიკვიდაციის პროცესი დაწყებულად ითვლება მისი რეგისტრაციის მომენტიდან.
5. ლიკვიდაციის შედეგად დარჩენილი ქონების მიღებაზე უფლებამოსილ პირებს განსაზღვრვს არასამეწარმეო (არაკომერციული) იურიდიული პირის დამფუძნებელი.

არასამეწარმეო (არაკომერციული) იურიდიული პირის ლიკვიდაციისას ქონების გასხვისება შესაძლებელია, თუ:

ა) გასხვისება ხელს უწყობს მის მიერ დასახული მიზნების განხორციელებას;

ბ) ემსახურება საქველმოქმედო მიზნებს;

გ) ქონება გადაეცემა სხვა არასამეწარმეო (არაკომერციულ) იურიდიულ პირს.

6. აკრძალულია ლიკვიდაციის შედეგად დარჩენილი ქონების განაწილება არასამეწარმეო (არაკომერციული) იურიდიული პირის დამფუძნებლებს, წევრებს, ხელმძღვანელობისა და წარმომადგენლობითი უფლებამოსილების მქონე პირებს შორის. დარჩენილი ქონების განაწილება მოხდება კანონით დადგენილი წესით.

7. ლიკვიდაციას ახორციელებს ხელმძღვანელობის უფლებამოსილების მქონე პირი (პირები) ან კანონით დადგენილი წესით დანიშნული ლიკვიდატორი. ლიკვიდატორი პასუხს აგებს, როგორც ხელმძღვანელობისა და წარმომადგენლობითი უფლებამოსილების მქონე პირი.

მუხლი 11. დასკვნითი დებულებები

1. წესდების რომელიმე დებულების ბათილად ცნობა, გავლენას არ მოახდენს წესდების სხვა დებულებების ნამდვილობაზე.

2. წესდებებსა და საქართველოს მოქმედ კანონმდებლობას შორის არსებული შეუსაბამობის შემთხვევაში მოქმედებს კანონი.